



Pou Piblikasyon Imedya: 13/01/2021

GOUVÈNÈ ANDREW M. CUOMO

GOUVÈNÈ CUOMO PREZANTE PWOGRAM 2021 AN: RE-IMAJINE | REBATI | RENOUVLE

Nan 11èm diskou sou Eta Leta a, Gouvènè a prezante Pwogram anbisye pou bati ekonomî vèt la nan Eta New York

Pwogram Enèji Vèt Eta a pral kreye yon total 12.400 megawat enèji vèt; pou alimante 6 milyon kay; kreye dirèkteman plis pase 50,000 travay, ak estimile 29 milya dola nan investisman prive toupatou nan Eta a

Pi gwo pwogram Enèji Ewolyèn Olaj Zòn Kot yo nan nasyon an ankre pa de pi gwo pwojè Enèji Ewolyèn Olaj Zòn Kot yo nan nasyon an

Inisyativ pou fè New York yon santral mondyal pou fabrikasyon enèji ewolyèn enkli amelyorasyon pou kreye senk etablisman pòtyè ke yo konsakre nan Albany, Coeymans, South Brooklyn, Port Jefferson ak Port of Montauk Harbor

Konstriksyon yon otowout transmisyon enèji vèt pou pote enèji pwòp ki jenere nan pati Nò a nan zòn ki nesèsè yo nan pati Sid la; enplike plizyè pwojè nan rejyon Lwès New York, Mid-Hudson, ak Rejyon Kapital la

Jodi a, Gouvènè Andrew M. Cuomo te pwononse Diskou Eta Leta 2021 li an. Ajanda 2021 Gouvènè a - Re-imagine | Rekonstwi | Renouvle - prezante yon seri inisyativ non sèlman pou kòmanse re-ouvri New York pandan eta a ap kontinye travay li pou gen viktwa sou viris COVID-19 la, men tou pou li vin yon lidè epi grandi ekonomî enèji vèt la. Kòm yon pati nan efò sa yo, Gouvènè Cuomo te prezante yon kantite pwopozisyon ki konsantre sou kreye pi gwo pwogram ewolyèn olaj zòn kot yo nan nasyon an, fè Eta New York yon santral mondyal pou fabrikasyon enèji ewolyèn, epi kreye yon otowout transmisyon enèji vèt, tout pandan y ap kreye anlwa vèt pou sipòte kominote yo ak ti biznis yo pandan n ap fè fas ak menas mondyal chanjman klima a.

Nan kòmansman semèn sa a, Gouvènè a te anonse pwopozisyon pou genyen gè a kont COVID-19 nan rezoud pwoblèm ekonomik akoutèm New York yo, epi garanti jistis sosyal ak rasyal ak re-ouvri eta a. Yo pral anonse pwopozisyon yo ki konsantre sou bati yon nouvo New York nan jou kap vini yo.

"Planèt nou an nan kriz. Li klè pou chak mezi: Nivo lanmè yo ap monte; limit glasyal yo ap ratresi. Kalifòni ap boule, Aktik la ap fonn e dezè yo ap inonde". **Gouvènè Cuomo te**

deklare. "Nou ap pwopoze pi gwo pwogram ewolyèn nan nasyon an ak avanse kapasite vèt fabrikasyon nou yo ak travay ki mache avèk li yo. Nouvo otowout enèji nou yo pral optimize pa enstalasyon depo batri modèn, pou nou ka estoke enèji renouvlab pou itilize lè sa nesèsè. Pwojè sa yo pa pral sèlman kreye kouran, men yo pral pote opòtinite ekonomik ki nesèsè nan kèk pati ki an difikilte nan eta nou an, kreye anlwa vèt, epi fè Eta New York yon pisans mondyal pou fabrikasyon enèji ewolyèn."

Gouvènè Cuomo te kontinye, "Enèji vèt se yon enperatif moral ijan ak yon opòtinite ekonomik prensipal. New York kapab epi pral lidè nasyon an pou inovasyon ak pwodiksyon enèji renouvlab, tout pandan n ap asire travay alavni pou Nouyòkè yo. Pwogram enèji vèt nou an an antye pral kreye yon total 12.400 megawat enèji vèt; pou alimante 6 milyon kay; kreye dirèkteman plis pase 50,000 travay, ak estimile 29 milya dola nan investisman prive toupatou nan Eta a".

PWEN ENPÒTAN SOU RE-IMAJINE | REBATI | RENOUVLE 2021 AN

Pi gwo pwogram Enèji Ewolyèn Olaj Zòn Kot yo nan Nasyon an: An 2021, New York pral kontinye konstwi rekiperasyon ekonomik vèt li a k ap mennen nan nasyon an epi akselere pwogram devlopman enèji renouvlab yo. Eta a pral siyen kontra avèk Equinor Wind US LLC pou devlopman de nouvo pak ewolyèn olaj zòn kot yo plis pase 32 kilomèt olaj Long Island, nan sa ki se pi gwo akizisyon enèji renouvlab pa yon eta nan istwa Etazini. Lè yo fini, de pak enèji ewolyèn olaj zòn kot yo pral bay yon konbinezon 2,490 megawatt enèji san kabòn, pote yon lòt 8,9 milya dola nan investisman, ak kreye plis pase 5,200 djòb.

Yon fwa ke pak enèji ewolyèn olaj zòn kot renouvlab epi nan wo nivo yo fini, plis pase mwatye nan elektrisite New York pral soti nan sous renouvlab, sa ki pral mete eta an avan an direksyon pou atenn objektif 70 pousan enèji renouvlab li a disi 2030

Santral Mondyal pou Fabrikasyon Enèji Ewolyèn New York te garanti angajman konpayi yo pou fabrike konpozan tibin ewolyèn nan eta a epi konstwi pi gwo pwogram enèji ewolyèn olaj zòn kot yo nan nasyon an. Plan pou fè Eta New York vin yon santral mondyal pou fabrikasyon enèji ewolyèn gen ladan amelyorasyon pou kreye senk enstalasyon pòtyè ki konsakre, ki gen ladan:

- Premye etablisman fabrikasyon tou enèji ewolyèn olaj zòn kot yo ke yo dwe konstwi nan Pò Albany an.
- Yon etablisman preparasyon enèji ewolyèn olaj zòn kot tibin ewolyèn yo ak sant operasyon ak antretyen ke yo dwe etabli nan Tèminal Maritim South Brooklyn (South Brooklyn Marine Terminal) lan.
- Ogmante itilize nan Pò Coeymans pou fabrikasyon fondasyon tibin dènnye kri, ak
- Ranfòse operasyon ak antretyen kontinyèl yo depi nan Pò Jefferson ak Pò Montauk Harbour nan Long Island.

Pwojè yo pral mobilize prèske 3 dola nan finansman prive pou chak 1 dola nan finansman piblik, pou yon investisman 644 milyon dola konbine nan enstalasyon pòtyè

sa yo, epi yo pral finalman kreye 2.600 djòb akoutèm ak alontèm nan endistri ewolyèn olaj zòn kot yo.

Konstwi Otowout Transmisyon Enèji Vèt New York la: Kòm New York ranfòse kapasite pou jenere enèji pwòp nan pati Nò a, pwochen defi a se kreye yon sistèm transmisyon modèn ki kapab distribiye elekrisite sa a avèk efikasite nan zòn ki gen anpil demann yo nan pati Sid la. Ane pase a, bòdwo sèvis piblik Nouyòkè yo te reflete apeprè 1 milya dola nan "depans konjesyon" ki pa nesèsè akòz blokaj nan rezo transmisyon antik nou an.

An 2021, Eta New York pral konstwi yon nouvo otowout enèji vèt ki evalye a 202,33 kilomèt. Pwojè 2 milya dola a pral kreye opòtinite pou maksimize itilizasyon enèji renouvlab pou pati yo nan eta a ki toujou konte sou plant gaz fosil polyan yo. Konstriksyon an deja kòmanse nan kad pwojè Pakou Entèlijan (Smart Path) ki evalye a 138 kilomèt Otorite Enèji New York (New York Power Authority, NYPA) la soti Massena pou rive Croghan, e konstriksyon pral kòmanse byento nan plizyè pwojè kle nan Rejyon Lwès New York, Mid-Hudson, ak Rejyon Kapital la.

Jodi a, New York pral pibliye yon [Apèl Dòf](#) pou aks transmisyon pou pote enèji renouvlab soti nan pati Nò a ak Kanada nan Vil New York. Dinamize nouvo otowout transmisyon an pral vital pou konplete rekipèrasyon ekonomik vèt New York la k ap mennen nan nasyon an epi akselere pwogram devlopman enèji renouvlab yo. Investisman aktyèl ak planifye yo pral lakoz plis pase 1,000 djòb ak 5 milya dola nan investisman sektè piblik ak prive.

Patenarya Piblik-Prive pou Konstwi Prèske 100 Pwojè Enèji rRenouvlab:

Transfòmasyon enèji pwòp New York te akselere rapidman pandan senk dènye ane yo. Pandan peryòd sa a, Eta a te siyen kontra pou konstriksyon 68 nouvo etablisman enèji renouvlab nan wo nivo ki gen ladan fèm solè, fèm ewolyèn tèrès, ak twa fèm ewolyèn olaj kòn Kot ki pami sa yo ki pi gwo nan nasyon an. Investisman sa yo nan enèji renouvlab te pote aktivite ekonomik nan 34 konte distenk, yo pral ajoute 6.100 megawatt kapasite enèji pwòp nan enfrastrikti eta a, ak jenere investisman ki plis pase 12 milya dola.

Pou bati sou pwogrè remakab sa a, New York pral siyen kontra pou yon lòt 24 pwojè pwodiksyon enèji renouvlab an 2021 nan wo nivo, pou pote total enèji pwòp ki bati nan eta a prèske 100 pwojè. 23 fèm solè yo ak yon etablisman idwo-elektrik pral konstriksyon enèji pwòp ki pi rantab jiska dat nan New York, sa k ap pwodwi plis pase 2,200 megawatt enèji pwòp, jenere plis pase 2.9 milya dola nan investisman ak kreye 3.400 djòb nan 16 konte nan pati Nò a.

Pwojè Estokaj Enèji yo: New York pral kontinye devlope ak deplwaye teknoloji ak etablisman estokaj enèji renouvlab modèn pou pwodwi elekrisite, bati kapasite pou estokaj, epi ede eta a reyalize plan klima anbisye li yo. Pou sa, Otorite Enèji New York deja kòmanse konstriksyon pwojè estokaj batri ki evalye a 20 megawat nan wo nivo nan Rejyon Nò New York, youn nan pi gwo pwojè estokaj nan pòtfèy k ap grandi nan eta a

prèske 1,000 megawat pwojè estokaj sou kontra. Pwojè sa yo pral ede satisfè demand elektrisite 1.2 milyon kay New York yo ak itilizasyon enèji renouvlab. An plis de sa, pwojè sa yo pral ede kontinye pouse sektè travay sa a k ap grandi rapid la.

Antrene Mendèv Enèji Vèt la: Pwogram devlopman enèji renouvlab akselere New York la ap kreye dè milye djòb ki byen peye. Pou asire tout Nouyòkè benefisye dirèkteman nan kwasans sektè sa a, Eta a ap investi 20 milyon dola nan yon nouvo Enstiti Fòmasyon Ewolyèn Olaj Zòn Kot (Offshore Wind Training Institute) ki baze nan SUNY Stony Brook ak Farmingdale State College. Enstiti a pral fòme omwen 2,500 Nouyòkè pou travay ki byen peye nan enèji ewolyèn ak enèji renouvlab. Jodi a, Otorite Devlopman ak Rechèch Enèji Eta New York (New York State Energy Research and Development Authority, NYSERDA) la ak State University of New York pral pibliye [premye solisitasyon](#) pou patnè fòmasyon teknoloji avanse yo pou ogmante sistèm SUNY nou an ak fòme premye gwoup travayè yo k ap kòmanse nan ete 2021 an.

New York ap investi tou 700 milyon dola nan solisyon elektrifikasyon batiman pou apeprè 130,000 batiman nan eta a, ki gen ladan yon varyete teknoloji ponp chofaj, ak fòmasyon 14,000 travayè pou nouvo mache ponp chofaj yo. Apeprè 25 pousan nan travayè yo ki resewa fòmasyon yo pral soti nan kominote defavorize oswa nan popilasyon priyorite yo.

Konbine avèk efò nou yo nan sektè batiman ak transpò yo, rekiperasyon ekonomi vèt an antye nou an pral kreye 12,400 megawat enèji vèt pou alimante 6 milyon kay, kreye dirèkteman plis pase 50,000 djòb, ak estimile plis pase 29 milya dola nan investisman piblik ak prive, pandan y ap ofri kominote jistis anviwònmantal ak benefisye tout Nouyòkè yo lè nou garanti avni klima san kabòn nou an.

###

Lèt nou vèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)